

Daphne scoort hattrick: dames op kampioens-koers! Kampioenen van 2010 haute reünie!

In dit versjlaag kieke veer trök op de veurbieje twee waeke. Veurige waek woar d'r nauwelijks voetballe (allein ut 4^e en de vets sjepeelden en verlore allebei). Aafgeloupe weekend des te meer voetballe. Os eesjte elftal boekte un knappe 1-2 euverwinning bie Susteren. Ut tweede leed un nederlaag taeg EVV 2. Ut veer en de dames boekten sjieke euverwinning taeg respectievelijk SVM 3 (5-1) en Slekker Boys Vr1 (2-4). Op zoaterdag houwe de veteranen de droad alwaer opgepak via un 5-2 euverwinning op Sjummert.

Pak doabie auch nog dat d'r ongerhauf waek geleje un reünie woar van ut auwt 1^e elftal dat in 2010 kampioen woort onger Rob Lemmens, dat d'r un halloween-party is gewaes in de kantien en dat diverse Sjter-dames en -heren hun gezich lete zeen op ut Oktober-feest in Zitterd... en d'r is genog om op trök te blikke.

Loate veer maar sjnel beginne. En dat doon veer dees waek mit de mannen van 2. Frank Haenraets haet zich inmiddels ontpop tot de correspondent dae ut sjnelste zien sjtukske aanlevert, woveur dank. Frank, take it away:

Vandaag ein oetwedstrijd teage evv 2. Ein ploog wat ein paar keer mer mininaal hej verloare dus ver woare op ozze hoede. Et 1^e lichtpuntje woar der op vriedig al, namelijk dat Sam Dukers noa lang blessureleed weer minuten ging maken. De vorgende 11 namen mooste et gaan doon vandaag

Mitchell

Mylan Stan Sam Guy

Youri Frank Luc

Paul Per Geoffrey

Bank: Mylano, Cisco, Owen, Jairo & Tim

Vanaf de 1^e minuut woar duudelijk dat ver et spel wilde maken vandaag. Veul balbezit en mit vlagen good voetbal. Allein woar steeds de besjliisende eindpaas onvoldoende woo door et in de 1^e hilft neet tot groote kansen koam. Vanaf minuut 30 werd evv get beater, mer dan veural door toedoon van is wat auch leidde tot ein aantal kansen die gelukkig hoog euver werde gesjoate. 0-0 mit rus dus.


De 2^e hilft woar pas ein paar minuten ongerweag toen Mitchell ein steekpass mekkelijk leek op te pakken, mer onfortuinelijk gleej hea weg op et nuuje veld in Echt. De bal koos dus mekkelijk mitgenomme weure en de 0-1 achterstand woar ein feit. Vanaf dat moment leuk et esof Sinterklaas al gearriveert woar. Ein houp foute van ozze kant beteikende oeteindelijk de 0-2.

Ver goave de moed neet op en begoosjte weer beater te voetballen woo door ver ein keteer veur tied ein penalty kregen van de good fluitende sjeids. Dit woar ein uitgeleaze kans veur Frank om et nog spannend te maken in de slotfase. Hea sjoat benne en de jacht werd ingezet

noa de geliekmaker. Helaas woar et ein paar minuten later alweer 1-3 door miscommunicatie tusse ozze verdeding en middenveld. Dit woar helaas de genadeklap woo door ver auch nog de 1-4 incasseerde. Oeteindelijk woar dit EVV de slechts voetballende ploag woa ver teage hobbe gespjeeld mer de veule foute van ozze kant broake os op.

Kop op mannen van 2. Geer hub al lekker get punte biejein geraap. Geweun positief veuroet kieke en waer knalle.

En dat knalle deige de mannen van 2 euveriges zeker op ut Oktober-feest in Zitterd, wo auch un ganse delegatie van os damesteam aanwezig woar:



Euver die dames gesjproake: die sjeelden aafgeloupe weekend taege de dames van Slekker Boys. Sijter-reporter Yael Beaujean, deit zo wie ummer op weergaloze wieze versjlaag:

Vandaag sting veur os eine belangrieke wedstrijd op 't programma om mit twee punten los aan kop te stoan. Slekker Boys heat ein good aanvallend team die waal es kampioenskandidaat weare gezin. Dus woar dit ein goeie kans om os te meate mit ein kampioensploog.

Opstilling:

Kis: Kiki

Achterin: Souad, Yael, Joëlle, Naomi

Middenveld: Maud, Maditha, Cynthia, Demi F

Veurin: Daphne en Lisanne H

De wedstrijd begosjte ver toch waal mit get zenuwen, in 't begin leep 't ein bietje stroef. Slek bleef druk oetofene op ozze goal maar kreeg neet ech grote kansen. Noa ein aantal minuten begosjte ver steeds in os spelke te komme en woar 't Daphne dea de 0-1 binne prikke noa ein pijsnelle omsjakeling. Noa de goal ging de wedstrijd op en neer, Slek kreeg meer scoormogelijkheden dan os. Veur rust benutte ze twee kansen wodoor ver mit 1-2 gingen rusten.

Zoveul beater woare de dames oet Slek neet, ver kwoame de jetste hilf nog neet ech aan os spelke toe wodoor dat ver gein grote kansen kregen. In de rust heat de trainer ein aantal wijzigingen doorgeveurd wat erveur mosj zurrige dat ver die drie punten gingen pakken. De tweede hilf begosj en ver zoate metein derop, ver begosjte weer te voetballen en vongen elkaar blindelings. De dames oet Slek wiste neet wo ze moste laupe. Oeteindelijk woar 't Daphne dea de geliekmaker drin sjoat, 2-2.

Noa deze goal kregte ver meer en meer vertrouwe en ginge ver steeds beater voetballen. Maditha knald 'm van dichtbie binnen wodoor dat ver op 2-3 kwoame. Slek heat de tweede hilf gein kansen gehad en conditioneel kregte ze 't neet meer belaupe. 'T woar Daphne dea de 3 punten veilig stelde door de score op 2-4 te bringe. 3 punten die zeker verdeend woare!

Volgende weak hubbe ver helaas geine wedstrijd mer de weak derno is de sjwantste derby oet 't zuuje. Sjrief 't in de agenda op de telefoon, sjrief 't op de kalender toes op 't prikbord of wo dan auch want op 13 november om 9.30 treje ver in Stein-zuid. Ver hubbe alle support neudig om die drie punten veilig te stille en nog in de race te blieve veur 't kampioensjap! Ver gaan der vanoet dat este dit verslaag geleaze hubs auch 13 november in Stein-zuid aanwezig bis!

PS: weer get leuke picca's van de wedstrijd teage Slek



Un klasse prestatie waer, dames. Es geer zo doorgoat motte veer de champagne alvas goan koud zette. Keep up the good work!

Van ozze dames make veer effe un oetsjtepke richting de wereld van de social media. Op snapchat is d'r namelijk un nuuje feature vriegegaeve aafgeloupe waek die in de mainstream media weinig aandacht haet gekrege. Volkomen ten onrechte, want in Sjtein is ut un onvervalsjte hit.

Ut gein om de nuujste filter op snapchat. Doog d'r uch veurdeil mit:



Vanoet Jan is ut unne kleine sjtap richting os meest seniore team: de walking footballers. Zie sjepeelden veurige waek un toernooitje in Berg bie de vrunj van IVS. Huub “a.k.a. de Belsj” “a.k.a. de Hollenjer” Lenzen deit veur uch versjlaag:

Te land, ter zee maar net niet in de lucht dat was op donderdagavond 27/10 de opzet van de wandelvoetballers van De Ster om tot bij het veld van IVS / Berg te komen.

De heenreis verliep zonder noemenswaardige problemen. Sommigen met de fiets, anderen met de auto en een gedeelte met de boot !

Maar dan heb je nog steeds de terugreis ! !

De sterren van de wandelvoetbal, in totaal 14 spelers, waren deze keer uitgenodigd door IVS / Berg en die mannen waren uit op revanche nadat zij bij de vorige 2 sessies alle wedstrijden hadden verloren.

Vanwege de aanwezigheid van zo veel talent konden de 2 teams van De Ster, zonder voorbereiding, ter plaatse samengesteld worden zonder verlies van kwaliteit.

De spanning was te snijden tijdens de wedstrijden die elk een half uur duurden en dit vooral bij de gastheren die alle trucjes boven haalden om de winst binnen te halen.

Zelfs de scheidsrechter deed zijn best !

De Ster vertrouwde op zijn oudgedienden die met hun volle gewicht, eeuh, sorry volle overgave zich in de strijd gooiden.



WF De Ster had speciaal voor dit avondtoernooi niet een Joker maar een Koning meegenomen !



Door zijn gedrevenheid moesten soms zijn eigen teamleden het verduren en werden zij onder de voet gelopen.



Resultaat van de wedstrijden waren 2 overwinningen en 2 gelijke spelen voor De Ster die zodoende algemeen winnaar werden. Alweer !!!

Dé uitspraak werd gedaan door een man met zeer veel zelfkennis na het zien van enkele hier niet gepubliceerde foto's !



De avond werd afgesloten met een schotel overheerlijke bitterballen en omdat Jo W. er niet bij was had deze keer iedereen meer dan genoeg !!

En dan de terugweg !!

Ergens in een komische bui had iemand besloten om op een doordeweekse avond meerdere op- en afritten en grote stukken autoweg af te sluiten. Ze moesten dringend het gras maaien en de boompjes snoeien.

Als je dan in België woont en je wilt naar huis kan het zijn dat je door al deze afsluitingen de volgende rit moet maken:

Berg - Urmond - Elsloo - Stein - Elsloo - Beek - Geleen - Urmond - Born - Roosteren - Maaseik - Elen - Rotem - Dilsen - Lanklaar - Eisden - Maasmechelen.

Een rit van 1 uur waarbij je jouw medepassagiers toch iets beter leert kennen !

Walking Football on the Road is nooit saai !!

Getekend:

Dëe va Kirchroa wat op ut Belsj woënt

Bedank veur ut heerlijke versjlaag, Huub. Geweldig!

Van de walking footballers gaan veer door noa de reünie die un auwt eesjte elftal ongerhauf joar geleje heel in Café de Poart. Ut ging om ut team dat in 2009/2010 kampioen woort in de 4^e klasse en toen de waeg omhoog inzat, dae nog ummer veurtduurt. Op initiatief van toenmalig elftalleider Patrick Eerens woort d'r unne datum geprik. En ut sjeke woar dat bienoa jederein aanwezig woar. Enkel vlagger Jack Sloesen, leider Adam Lardinois en de gebroeders Vusjer moosjten versjtek loate gaan. Wiejer woare alle coryfeeje aanwezig en die ammeseerden zich top:



De drank vloeide riekelijk, en de toafel woort waer 'rondj' gedronke. Maar de resterende pot leet auch waal zeen dat ut allemoal ouwe lullen zeen gewoare, bie wae ut drinktempo get leger ligk es 12 joar geleje:



De groepsfoto same mit Christel is un sjeik aandenke aan unne zeer gesjlaagde oavend. Woar allein joamer dat Thompson en Virdis nog boete sjtinge te rouke op dat moment:



Ut woar veur michzelf mien eesjte seizoen bie de club en ich kiek nog ummer mit heel voal plezeier trök aan dat sjeike team dat veer destieds houwe.

Dat begoosj al mit unne geweldige begeleidingsstaf. Want Rob Lemmens woar unne perfecte trainer van zo'n ervaren selectie. Rob houw de perfecte combinatie van relaxte oetsjtroaling

en sjpelers voal vrijheidgaeve, maar angerzijds neit mit zich loate sollen. Rob woort destieds geassisteerd door de onvolprezen Jack Dassen. Unne geweldige man dae bergen werk verzette en zeer geleif woar bie de sjpelers. En doanaeve woare d'r auch nog de elftalleiders Adam Lardinois en Patrick Eerens. Adam, de leuke sjpontane gast dae heel van lekker ouwehore. En Patrick de eeuwige voetballer dae gaer bie partiekes mitdeig es hae vonj dat de groep waer effe op sjerp gezat moosj waere.

En dan de selectie. Te beginne mit ut keepersduo Rudy Crutzen en Nick Kohlen. Rudy, de eeuwige winnaar dae zelfs bie de veteranen om te verrekke is es 'r un taegegoal krig omdat d'r te sjlap verdedig wurt. En Nick de perfecte tweede man destieds: jongk, goedlachs, sjieke jong veur de groep, en unne prima keeper (veurig seizoen minst gepasseerde keeper van Zuid II).

In de defensie woar de concurrentie groot want doa lepe mich get kanjers rondj. Op rechtsback de onvermoeibare Denny Vorstermans, dae mit zien tackles, rushes en duelkracht veur jedere boetesjpler un nachmerrie woar. Op linksback sjeelden aafwisselend Joep Nacken, de man mit de gouwe trap in ziene linkerpoot, en Paolo "Bonucci" di Lernia, de meest geleifde Belsj dae ooit op 1 haet rondjgeloupe. Allebei toppers dus. In ut centrum woar good old Bjorn Seinen de man veur ut baetere braekwerk en captain Roger Quaedvlieg de man dae de opboew en de aanvallende impulsen verzurgde. Unne geweldig centraal duo.

Op ut middenveldj moch ich zelf waekelijks samesjpele mit échte kanjers. Karim Virdis woar de joker en 12^e man dae op voal posities inzetbaar woar en everal moeiteloos zien dubbele sjere tentoonsjpreidde. En wat te denke van Guido Cals, joare langk vaste krach en oetblinker op de "nummer 8"-positie. En van Fabio Liberato, de ouwerwetse "nummer 10" zo wie se 'm noe nurger meer zuus: belke aan de vuit en ut sjpel verdeile.

En dan die veurhoede om van te watertanden. Te beginne mit drie jong jonges die net de euversjtap oet de jeugd houwe gemaak: de gebroeders Robin en Rick Visschers en Randy Wanten. Drie talenten die toen al lete zeen dat ze auch op ut eesjte van toegevoegde waarde woare. Maar in de basis sjeelde meestal ut gouwe trio Thompson-Borgt-Moumni. In de sjpits sjeelde de sjluwe en ongekend balvaste Ewald Borgt zien letste joar op ut eesjte en woort auch nog topscorer, ondanks un blessureperiode. En op de flanken woare de iezersjterke Wesley "machine" Thompson en baltovenaar Ikram Moumni waekelijks un ploag veur jeder defensie.

Un heerlijke ploug om in te sjele. En sjiek om al die jonges waer ens gezeen te hōbbe. Ut beveel jederein zo goud dat die volgende reünie ongetwiefeld sjnel geit komme.

Sjnel door noa un angere ploug wo se heerlijk in kens sjele: ut veerde. Dat is (aafgezeen van de baekernederlaag van ongerhauf waek geleje) on fire dit seizoen. Mit es opvallendste sjpeler Roel Heffels. Veurig seizoen in de defensie bie 1. En dit seizoen oetblinkend in de sjpits op ut veerde. En noa 4 competitiewedsjtrieje sjteit de teller bie d'n Höffel al op 3 hattricks en 10 goale in totaal. Oh, en in dae verloare baekerwedsjtried scoorde hae auch nog unne hattrick.

Maar ut is voals te kort door de boch om te denke dat ut succes van os veerde dit seizoen allein maar te make haet mit dae geweldige blonje piel in de sjpits. Wat te denke immers van Bart Linders, de regerend gouwe sjoon-winnaar. Of van Noudje Claessens, dae nog unne wissel taeg coach Habets zaet: "Doe mos mich neet d'r oet hoale. Doe wuls toch winne, of neet?"

En dat scoren is natuurlijk hartsjtikke sjiek, maar wat te denke euver de assist-gaevers:



Kommend weekend sjpele de mannen van 4 de derby taeg Caesar. Ralph haet al un versjlaag beloaf aan de luuj die neit kenne komme kieke. Maar eigenlijk adviseer ich uch: kom auch unne keer kieke noa die kanjers van 4. Doa zeet geer dinger die't geer bie ut eesjte neit zuut!

En dan is ut alwaer tied om ut letste team te besjpraeke dat in actie koom. Ozze veteranen. Die sjeelden ongerhauf waek geleje unne oetwedsjtried taeg FC Hoensbroek. Un veteranenploug die pas sjus is operich, via un doorgesjoave leger elftal. Unne geduchte taegesjtenjer en dus woar un sjterke selectie un must. In dat kader moosj ut technisch hart Leon-Roger-Willie-Willem twee flinke dreunen verwirke.

Op de eerste plaats hou Mat Cremers zien verblijf in Italië nog get verlengd vanwege een last minute booking door een of andere Mesjtreichse aauw kut:



En op de tweede plaats koom d'r u naafmelding van unne andere sjterkhouwer:



Taegeneuver dees taegevallers sjting de rentree van Iron Man, Levi Nelissen. Dae woar verheugd dat 'r waer koosj ballen, maar kreeg van zien ploeggenoten Marc Lacroix, Roger Daemen en Misha Dreessen waal terechte kritische vroage in ut kleidlokaal in Hoensbroek.

Levi: Joa ut woar ech geweldig jonges.

Marc: En woars doe 2^e gewoare?

Levi: Nae dae woar in Mesjtreich wie ich mich kwalificeerde.

Roger: Dus gein winnaarstyp?

Marc: De Joop Zoetemelk van de triathlon.

Levi: Jonges, dit wurdt trouwes miene eesjte wedsjtried in 13 moanje.

Misha: Maar hubse in de tusjetied dan waal get veur dichzelf gerend?

En vanzelfsjpraekend woar de Iron Man van Levi nog un tiedje ongerwerp van gesjprek.

Levi: Noa 25km renne kreeg ich unne dip.

Ruud: Dat koosj ich zeen op de livetracker van diene tied.

Richard: Dat hub ich in de wedsjtried auch ummer es ich 25km gerend hub.

Piele (heerlijk dreug): Zjwetse eigenlijk auch tiedes zonne triathlon, Levi?

Jos: Godmiljaar Levi, doog sjnel un shirt aan mit dat aafgetrainde lichaam. Zitte veer hie allemoal mit un dikke pens.

Gerard: Hei Ostendorf, kal veur dichzelf.

Jos: Oh, sorry veurzitter.

Gerard: Doe bes sjus Boeddha mit dae boek van dich.

Ut verhaal van de wedsjtried is sjnel verteld. Hoensbroek woar un klasse baeter en sjeelde, veur un veteranenteam, opvallend geconcentreerd en gegroepeerd. Desondanks wis Levi in de eesjte helf de opgeloupe achtersjtandj ongedoan te make door bie ziene rentree geliek te scoren. Doanao scoorde Hoensbroek de winnende treffer vlak veur de rust.

Noa de pauze ging bie de gael-zjwarten alles op de aanval. In un 4-2-4 formatie woort geprobeerd get te forceren. Dat leek aanvankelijk prima te lukke wie Pascal Conjour twee keer allein veur de keeper koosj opduke. Helaas leidden die kansen neit tot de geliekmaker. In ut vervolg van de 2^e helf mochten veer keeper Rudy danke dat hae tot 7x toe zien goal sjoon heel noa prima oetgeveurde counters van Hoensbroek. Un terechte euverwinning veur de gastheren, die simpelweg baeter woare.

Marc complimenteerde noa aafloup Levi mit ziene treffer: "Doe leeps goud door bie dien goal. Doa zouwse get mit motte goan doon, mit dat renne."

In de kantine leek ut tij te keren. Want bie ut dobbele gooiden Rob (15), Marc (17) en Piele (18) achterein hoog auge. Dat verleidde Denny Vorstermans tot de oetsjproak: "Loate veer maar sjtoppe mit voetballe en un dobbelclub beginne." Helaas bleek dat bie Hoensbroek 6 man auch 18 gegooide houwe (veer hubbe de videobeelden opgevraagd) en woort dus zelfs ut dobbele verloare. Ein en al treurnis dus.

Op de groepsapp ging 't d'r neit voal baeter aan toe:



Richard Beckers sjeelde coach Roger de zjwarte Piet toe:



De sjriever van dit sjtuk probeerde in oplossing te denke:



Gelukkig koosj de kater van de eesjte nederlaag van ut seizoen un waek later alwaer weggespuild waere in de thoeswedsjtried taeg Sjumert. Bie aankomst op 't Hetjen woare op en top club-luuj Roy en Maria Vanmulken druk bezig om de blajer van ut hoofdveldj te vaege zodat de liene zichtbaar woare. Bie truckomst in de kantine mit ut zjweit oppe kop zei coach Roger: "Maria, Roy, bedank. Veer sjele vandaag trouwes op veldj 2."

Vervolges kome Stef en Resi Conjour binne. Die houwe nog gein middigaete gehad. Christel ging de keuken in en toverde get lekkesj veur ze.

Christel: "Hie Resi, es doe ut neit deis dan koak ich maar veur diene man."



Wie Stef oetgegaete woar ging hae zich omkleije. Doa houw jederein inmiddels un (zo groot muigelijk) shirt bemachtigd.

Stef: Is d'r nog un shirt?

Rob: Allein nog moat L

Stef: Ech?

Rudy: Dan houwse dich sjus neit motte volduuje!

Stef: Ich goan waal eesj poepe. Mesjiens pas ut dan baeter.

Misha (heerlijk dreug): Wach, mesjiens hub ic hun XXL aan. Ich kiek effe.

De wedsjtried taeg Sjummert verleep mekkelijker dan veuraaf gedach. Anger joare houwe veer unne flinke kluif aan ze gehad en auch waal ens dik verloare. Maar dit keer sjting ut bie de rust al 4-0 via goale van Stef, Tim en Jos (2x).

In de rust constateerde keeper Rudy dat ut waal erg mekkelijk ging: "Jonges, ich hub niks te doen op dees maneer."

En Stef bleek toch in zien shirt gekomme te zeen. In de rust bleek auch wie 'r dat veurein houw gekrege. Want onger zien shirt houw hae unne bandj dae verdach voal leek op zonne ouwerweste joare '80 boekspier-trainingsbandj dae electricse shockjes aafgeef de ganse daag:



Noa de rust ging ut tempo omleeg noadat Misha de 5-0 houw binnegeknald. Dat goof Sjumert de kans om nog 2x te scoren. Dit tot grote ergernis van keeper Rudy. Richard zou doa later in ut kleidlokaal euver zegke: "Ich sijnap d'r niks van, Rudy. In de rust besse aan ut knotere dassen niks te doen hubs en noe aan ut sjeije euver die taegoale. Wulse noe dat veer waal of neit trukverdedige." Euveriges woorte die weurt oetgesproake wie Rudy al in de kantine aan ziene eesjte pint zoot. En dat woar maar baeter auch.

Desondanks woar ut noa aafloop in de kantine prima qua gezelligheid. Zelfs ondanks de wedsjried van Fortuna op de tillevisie dae veur de Zittesje ploug almaar sjlechter woort.



Misha Dreessen, dae ummer ut verwiet krig dat hae eueval lup, behalve op de rechshauf positie wo hae wurte opgesjteld, wendde zich op un gegaeve moment richting de trainer: "Roger, ich sijnap os systeem eigenlijk neet... ich weit nooit wo ich mot loupe."

En zo koom d'r langzaam un einde aan waer unne gesjlaagde zoaterdagavond, wo op de vets waer de waeg omhoog houwe gevonje. D'r woort nog eine letste gedronke om de nederlaag van fortuna te vergaete en toen woar ut op noa hoes, ganse waek dich loate verzurgde, en kommende zoaterdag opnuuj pieken.



De aafsjeiter van de waek geit euver de halloween party die veurige vriedig in de kantine is gehaute. Zo'n feeske leidt normaliter tot un sjortvloed aan sjeke foto's veur dit versjlaag. Dit keer koom de eesjte foto al vruig op de oavend, van de walking footballers die getraind houwe:



Wiejer bleef ut angstvallig sjtil. Dus maar ens geïnformeerd bie de correspondenten:



Dat liek potverdomme waal esof d'r allerlei dinger zeen gebeurd die ut daagleich neit kenne verdrage. Veer goan ut wellicht de kommende waeke heure.

Is d'r dan helemaal niks bekend euver dat Halloween feest? Nou ja, ein dingk hubbe veer toch d'r aan euvergehaute. Geer hub mesjiens waal ens gemirkt dat ut pin-apparaat in de kantine af en toe hapert. Jari Knoops houw doarom ut zeker veur ut onzekere genomme:

Randy Wanten



Jari de pinmeester

23:50



Pes volgende waek!

Rob Sjulpe